



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

viii La vie de s. Albert, Carmelite, Confesseur.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

Christ: il guarissoit plusieurs malades, deliuroit les possedez: en vne ardente feicheresse, il obtint la pluye du Ciel, & estant allé hors la ville, il s'en reuint sans estre mouillé, encore qu'il pleust bien fort.

Vn Threforier de l'Empereur nommé Eustache, auoit receu vne grosse somme de deniers pour l'Empereur, il la bailla à garder à sa femme nommée Eufrosine, laquelle en l'absence de son mary estât a duerie qu'il venoit des gens de guerre à Areze, de peur qu'on ne pillast, enfoiit cet argent en terre, & mourut au parauant que son mary fust de retour: de sorte qu'Eustache estant reuenu trouua sa femme morte, & son argent bien esgaré, n'en ayant aucune adresse, & neantmoins il le fallut payer au fisque: ce qui luy redoubloit son affliction, parce qu'il n'auoit moyen de satisfaire par ailleurs.

Ileut recours à saint Donat, qui alla avec le mary sur le tombeau de ceste femme Eufrosine, & apres auoir fait sa priere, luy dit; Eufrosine, ie te conieure & commande de la part de Dieu de nous dire où tu as mis l'argent que ton mary te laissa: soudain on entendit vne voix dans le sepulchre qu'il respondit à saint Donat qu'il bechoit en vn certain lieu qu'elle designa, & qu'ils l'y trouueroient: ce qu'ils firent, & le mary fut deliuré de cet ennuy. S. Antonin escrit qu'un homme de bien ayant emprunté deux cens escus d'un autre, dont il fit sa promesse de les rendre, les paya sans ce soucier de retirer sa cedulle: tost apres il deceda, & ce pretendu creancier s'opposoit à ce qu'il fust enterré iusques à ce qu'on luy eust payé la somme contenue en la cedulle qu'il auoit retenuë par deuers luy: la femme du defunct s'en vint pleurant trouuer saint Donat pour luy conter sa desconuenue, & que sans doute son mary auoit payé les deux cens escus, encore que ce mauuais creancier eust retenu la cedulle, d'or il luy faisoit à present la guerre; S. Donat fut trouuer le corps qui estoit sur les treteaux, & luy dit: Leue-toy, & te deffends contre cet homme qui empesche que tu ne sois porté dans le tombeau: le mort se leua en son seant sur le cereueil, & conuinquit le creancier qui desnoit malicieusement d'auoir esté payé, & luy fit redre sa cedulle rayée & biffée, puis il pria S. Donat de le renvoyer en son repos: ce qu'il fit. Par ces miracles & autres fort rares, il couuertit beaucoup de Payens, & fit la guerre aux diables: cela estant venu aux oreilles de Quadracian, Prefect de l'Empereur Iulian l'Apostat, il fit prendre saint Donat & Hilarin pour les contraindre de sacrifier aux Dieux: comme il veid que les saints se mocquoiet de ses intimidatiōs & menaces, il fit tant battre Hilarin à coups de battons, qu'il rendit l'ame à Dieu en ce tourmēt, & apres auoir fait dōner plusieurs coups de pierre sur le visage de saint Donat, detenu prisonnier en vn cachot noir, il luy fit trancher la teste.

Les corps des saints furent enterrez aupres de la ville; leur martyre fut le 7. du mois d'Aoust, l'an de N. Seig. 362. le second de l'Empire de Iulian l'Apostat. Encore que saint Donat &

S. Hilarin furent martyrisez en vn mesme iour, l'Eglise fait commemoration de saint Donat le iour qu'il deceda, & de saint Hilarin le 16. iour du mois de Iuillet, lors que son corps saint fut porté à Ostie. Il est fait mention de saint Donat es Martyrologes de Beda, Vfnard, Adon & Romain en saint Antonin Archeuesque de Florence, & le Cardinal baronius en ses Annotations sur le martyrologe, remarque que les actes de S. Donat sont broüillez & confus: mais nous en auons seulement tiré ce qui nous a semblé plus veritable & conforme à ce que les auteurs anciens de l'Histoire Ecclesiastique & seculiere en ont escrit de l'Empereur Iulian l'Apostat.

LA VIE DE SAINT ALBERT,
Carmelite, Confesseur.



E Martyrologe Romain le septiesme iour du mois d'Aoust fait mention de saint Albert Religieux Carme, dont la vie se trouue dans Surius. S. Albert nasquit au Royaume de Sicile, de Benoit & Ieane ses pere & mere, personnes Nobles & illustres, lesquels demouroient en la ville de Trapanne, avec vn grand exemple de vertu & d'honesteté. Ils auoient esté 26. ans en mariage sans auoir d'enfans: ils prindrent pour mediatrice la glorieuse V. Marie & luy promirent que si elle leur donnoit vn fils, ils le consacreroient à son seruice à l'Ordre des Carmes: Ieane deuint grosse, & veid en songe sortir de son ventre vn cierge ardent: son mary Benoit eut la mesme vision, laquelle leur fit presumer que l'enfant qui naistroit seruiroit de flambeau à plusieurs. L'enfant estant venu au monde, ils le nommerent Albert, & l'esleuerent soigneusement comme vn enfant d'Oraison que Dieu luy auoit donné par l'intercession de la Vierge: à mesure qu'il croissoit, on luy monstroit les principes des lettres couenables à son bas aage. Si tost qu'il eut atteint huit ans, parce qu'il estoit de belle esperance, & d'une riche maison, il y en eut qui parlerent à son pere de le marier avec vne fille qui auoit de grands biens: le pere s'y laissa aller, mais la mere n'y voulut pas consentir, se souuenant du vœu qu'ils auoient fait au parauant qu'il fust conceu de le dedier au seruice de la Vierge Marie: ainsi la mere appella son fils Albert, & luy declara le vœu qu'ils auoient fait le priant de l'accomplir, & de prendre nostre Dame pour sa mere & Aduocate; ce que le ieune homme luy promit de faire, & prenant la benediction de son pere & de sa mere, s'en alla au Couuent des Carmes, qui est proche de Trapanne, où il demanda l'habit: les Religieux firent quelque difficulté, à cause de ses parens; mais depuis ils furent bien aises de le recevoir, d'autant que ses parens ayans esté blasmez de la glorieuse Vierge, de quoy ils tarderent tant à luy donner ce qu'ils luy auoient promis, demanderent eux-mesmes l'habit pour luy.

7. Avant de prendre l'habit, il donna le sien aux
Aov. pauvres, & encore que ce ne fust qu'un enfant,
il ne laissa pas de paroistre & monstrer par ses
vertus que Dieu l'auoit specialement esleu pour
sa gloire; mais le diable qui craignoit le tort qu'il
en receuroit, l'attaqua en forme d'une belle &
gracieuse fille, le tenta de quitter ceste vie au-
stere qu'il auoit commencé, que son aage trop
tendre & delicat ne pourroit suiure, qu'il seroit
beaucoup mieux d'espouser celle qu'il ayuoit
tant, & qui ne souhaittoit rien plus. Albert reco-
gneut bié que s'estoit des sifflemés du serpent in-
fernal qui s'estoit trāsformé en fille, il fit le signe
de la Croix, & l'ennemy qui le tenoit disparut.

Il fit profession, & desirant d'accomplir plus
parfaitement ce qu'il auoit promis, il practiqua
les vertus Religieuses, specialement l'austerité
& penitence. Il ieusnoit fort souuent, & por-
toit les Lundy, Mercredy, & Vendredy vne ru-
de hairre, se couchoit sur des fueilles s'habilloit
de gros drap, & n'auoit point de honte d'estre
deschiré: il ne beuuoit iamais de vin, & les Ven-
dredis il frotoit son pain d'absinthe pour se
mortifier dauantage. Il fuyoit l'oyssiueté comme
vn venin de la vertu, il estoit tres-chaste &
grand amy de la sainte obediēce. Il surpassoit
tous les autres en pauureté & humilité, il
donna tout son patrimoine aux pauures Reli-
gieux, & merita par ses vertus d'estre illuminé
de Dieu en telle sorte, qu'il preschoit & conuer-
tissoit plusieurs Iuifs, specialement depuis qu'il
fut prestre contre sa volenté, & pour obeyr à
ses Superieurs, d'autant qu'il s'estimoit indigne
de celebrer le sacré saint mystere de l'Autel.
Nostre Seigneur commença à l'honorer par plu-
sieur miracles, la nuit d'un Dimanche il estoit
en oraison dans l'Eglise; le diable pour l'espou-
uante souffla la lampe, mais il ne la peut estein-
dre, de rage il la fit choir à terre, mais nostre
Seigneur ne permit pas qu'elle fut esteinte ny
rompue.

Robert Roy de Naples auoit assiegé Messine,
ceux de dedans mouroient de faim, & n'auoient
que manger. Ils eurent recours à saint Albert,
qui estoit lors dās la ville, afin d'obtenir de Dieu
par son oraison le remede que l'industrie humain-
ne ne pouuoit trouuer. Albert dit la Messe avec
grande ferueur & deuotion, alors on ouyt com-
me vn fort esclat de tonnerre, & vne voix de
trompette qui dit, Dieu a exaucé ta priere. On
ne peut dire d'où, ny comment, (parce que la
ville estoit estroitement affligée par mer & par
terre) il surgit au port trois galeres chargées de
viures, qui furent distribuées aux pauures neces-
siteux, lesquels reprirent courage, & se defendirent.
On creut que ces trois galeres auoient esté
conduites par les Anges, d'autant qu'elles ne se
veirent, & pas vn ne recogneut les Capitaines
ny mariniers. Il y auoit vn Religieux dans le
Monastere de S. Sauueur de Messine prest à mou-
rir d'une apostume qui s'estoit formé dās sa gor-
ge. Albert fit le signe de la Croix dessus, l'apo-
stume creua, & le malade vomit quantité de ma-
tiere par la bouche, & fut aussi tost guarý.

Voulant chasser vn diable qui toutentour
vne fille, il fit le signe de la Croix sur son front,
la possedée luy donna vn soufflet sur la ioué droite,
& luy sans se troubler presenta l'autre ioué,
& dit au diable qu'il frappast sur la gauche; l'es-
prit maling ne pouuant souffrir ceste humilité
fut contrainct de desloger, faisant vn bruit
comme d'un esclat de tonnerre espouuanteable.

En Trapano il deliura vne femme qui auoit
demeuré six iours en trauail d'enfant, luy don-
nant vn peu d'huyle beniste pour se froter le
ventre, disant: Nostre Seigneur Iesus-Christ
par les merites de sa tres-sainte merete Marie,
tout ainsi qu'elle conceut sans perdre la virgini-
té, & enfanta sans douleur, de mesme tu accou-
cheras sans hazard de ta vie, de l'enfant dont ta
esenceinte, qui sera consacrée à Dieu, elle deli-
uira d'une fille qui fut depuis dediée à Dieu. Il
guarit en la terre sainte vn Iuis qui estoit fort
trauailé du mal caduc, & par ce miracle ses pa-
rens & luy se conuertirent à nostre sainte Foy,
le fils se rendit Religieux, où il vécut & mou-
rut saintement.

Vne autrefois sur le chemin de Gergente, il
preferua des Iuifs qui se noyoient dans vn tor-
rent, saint Albert estant au bord de la riuere
qui les gardoit, ils luy demanderent le Baptes-
me, & lors il s'achemina dessus les eaux sans rien
craindre, & les baptisa estant paruenu où ils
estoint, & les retira de ce peril.

Estant Prouincial de son Ordre en Sicile, visi-
tant sa Prouince à pied, vn baston à la main, son
compagnon cassa vn pot de terre, dans lequel il
portoit del'eau & du pain, qui estoit toute leur
prouision, dont son compagnon se trouuant cō-
fus, saint Albert luy renuoya querir son pot,
qu'il trouua entier & plein d'eau.

Le diable auoit pippé vn Religieux qui estoit
fort deuot à nostre Dame, artie d'illiant la deuo-
tion, & ayant extorqué de luy vn consentement
deshonneſte, avec vne certaine femme à l'heure
que ce miserable estoit en terme d'accōpir son
mauuais dessein, le S. l'appella secretement, &
luy descourrit, penetrant dans son cœur ce qu'il
auoit resolu, l'exhorta à penitence, & à demāder
misericorde à la tres-sainte vierge. ce qu'il fit, re-
couurāt par les prieres du Saint, la deuotion de
la tres-sacrée Vierge Marie qu'il auoit perdue.

Vne Dame auoit porté trois ans vn vlcere in-
curable dans la mammelle, elle promit au Saint
vne image d'argent, & de vestir trois Religieux,
si elle guarissoit. Il luy commanda de s'ōndre
avec vn peu de son huyle, elle prit de l'huyle de
sa lampe, & fut guarie.

Il eut reuelation du iour de son decez, dont il
aduertit ses Confreres, & vne sienne seur (qui
estoit à cent lieuë de là) qu'elle mouroit à la
mesme heure, & au mesme iour que luy, com-
me il aduint. Les Religieux prians à l'entour du
Saint, veirent sortir son ame en figure d'un pi-
geon blanc comme neige qui s'enuoloit au Ciel,
laissant son corps à terre, couuert d'un cilice,
qui sentoit vne odeur celeste, & vne cloche
que le Saint auoit fait faire, sonna d'elle-mesme.

Le Roy de Sicile assista à son enterrement, avec les Seigneurs de son Royaume, & quelques euesques, suivis d'une innumerable multitude de peuple, chacun taschant d'emporter quelque loppin de ses habits & Reliques, comme vn precieux tresor, par lesquelles Dieu fit plusieurs miracles.

Il y eut vne grosse dispute entre le Clergé & le peuple, touchant la Messe qu'on diroit aux obseques du Sainct, le Clergé la vouloit chanter de Requiem, & le peuple d'un S. Confesseur, s'estans les vns & les autres mis en oraison, il s'apparut en l'air deux enfans respiediffans avec des robes blanches qui dirent qu'on deuoit chanter, *Os iusti meditabitur sapientiam*, de façon qu'on dit la Messe d'un Confesseur, puis que c'estoit la volonté de Dieu. Le tombeau de saint Albert estoit visité de malades, boiteux, aveugles, lepreux, paralytiques, qui retournoient sains en leurs maisons: la façon de guarir estoit qu'ils se prosternoient deuant le sepulchre du Sainct, puis ieufoient trois ou quatre iours, implorant son ayde: sur la minuict saint Albert s'apparoissoit enuironné d'une claire lumiere qui leur rendoit la santé parfaite.

Le saint trespassa le septiesme d'Aoust l'an 1292. apres sa mort, nostre Seigneur chastia rigoureusement des soldats qui auoient prophane l'Eglise où il estoit enterré, on le trouua à genoux dans sa vouite, comme demandant vengeance à Dieu de ces sacrileges, lesquels moururent tous au mesme instant de peste. Et d'autant qu'il n'y a chose si sainte que les meschans ne peruertissent, & tirent en la mauuaise part, changeans la medicine en poison: Vn Carme prechant au peuple la sainteté d'Albert, & ses rares merites, vn Prestre (poussé du pere de l'enueie) dit publiquement que ce Prescheur auoit menty, & que tout ce qu'il disoit estoit faux & cotrouué, mais deuant toute l'assistance les boyaux luy tomberent: alors recognoissant sa faute, il demanda pardon au Sainct, & promit de ieufer la vigile de sa Feste, qu'il obserueroit à l'aduenir, par ce moyen il fut guarý.

Certains Ecclesiastiques d'un instinct diabolique voulurent oster l'image du Sainct que le peuple honoroit: comme ils alloient la nuict pour executer leur dessein, vn paralytique qui auoit demeuré 12. ans immobile, fut guarý, & s'opposa à ceux qui vouloient abbatre l'Image, leur racontant le miracle que Dieu auoit fait en luy, ce qui les fit desister.

Vn iouieur ayant perdu tout son argent à Trapan, il veid deux Images, l'une de nostre Dame, l'autre de saint Albert, contre laquelle il mit la main à l'espée, disant: Je t'ay souuent reclamé, & tu ne m'as point aydé, ie ne t'aymeray iamais Sainct; & toy Marie, surnommée Mere de grace, & tu as aussi fait la sourde-oreille à mes prieres, & frappa sur ces Images qui rendirent quantité de sang, la foudre tomba du Ciel, qui mit ce mal heureux iouieur en poudre.

Le Martyrologe Romain fait mention de

saint Albert le septiesme d'Aoust, & la Chronique des Garmes, & le Cardinal Baronius en ses Annotations, Baptiste Mantuan a escrit sa vie en vers.

A Arrezzo en Toscane mourut saint Donat Euesque & Martyr, lequel entre plusieurs autres miracles, reste par ses oraisons vn calice, que les payens auoient brisé, comme tesmoigne saint Gregoire Pape: & durant la persecution de Iulian Apostat, fut pris par vn nommé Quadratian, Gentilhomme de l'Empereur, sommé de sacrifier aux idoles: ce que refusant faire, il eut la teste tranchée. Avec luy endure saint Hilarin Moine, la feste duquel se fait le seiziesme iour de Iuliet, parce qu'à tel iour son corps fut transporté en la ville d'Osie, sur l'embarcheure du Tybre. A Rome endurent les SS. Martyrs Pierre & Iulien, avec autres dix-huict. A Milan S. Fauste soldat, lequel ayant esté en diuerses sortes sondé & tenté sous l'Empereur Aurele Commode, apres auoir beaucoup combattu, mourut en sainte paix. A Come les S. Carpophore, Exanthe, Casie, Seuerin, Second, & Licinie, qui eurent les testes tranchées pour la confession de la Foy, A Nisibe en Mesopotamie S. Demetrie Moine Persan, fut lapidé avec deux de ses disciples, sous Iulian Apostat. A Rouen se fait la feste de saint Virricie Euesque & Confesseur, lequel estant encore soldat, sous Iulian Apostat, quitta la ceinture & l'espée pour l'amour de nostre Sauueur: par quoy il fut grieusement tourmenté par commandement du Marechal de camp, & condamné à estre decapité: mais le bourreau qui estoit venu pour l'executer, demint auueuglé: qui fut cause, qu'il eschappa, & fut depuis fait Euesque, conuertit par ses Predications plusieurs, tant à Tournay qu'à Troane & lieux circonuoisins. A Chaalons deceda saint Donat Euesque & Confesseur. En Sicile S. Albert Confesseur de l'Ordre des Carmes, renommé pour ses miracles.

LA VIE DES SAINTS CTIAQVE, Layue, & Smaragde, Martyrs.



Emartyre des Ss. Cyriaque Diacre, Largue, & Smaragde, est tiré des actes de S. marcel Pape & martyr, escrit par les Notaires de Rome. L'Empereur Maximian, ayant passé d'Afrique à Rome, pour faire vne vaine ostetation de son pouuoir, & flatter l'Empereur Diocletian qui l'auoit associé à l'Empire, fit bastir vn beau & superbe palais pour seruir d'un lieu de plaisir à Diocletian: & voyant que l'on ne pouuoit venir à bout des Chrestiens, ny par mort ny par tourmens, pour les matter d'un ennuyeux martyre, il les fit traualier à cet ouurage comme esclaués, traifner la pierre, le sable, & les autres materiaux necessaire à bastir, sans respect des qualitez de noblesse, de misice & autres priuileges, & ne leur donnant aucun relasche iour ny nuict.

C'est vne chose digne de remarque, que les autres superbes bastimens des Empereurs ayent par succession de temps tellement esté ruinez, qu'il n'en est demeuré aucun vestige, & neantmoins que cestuy-cy, bastý à la sueur de tát de glorieux Martyrs, est demeuré pour la pluspart en son entier, d'or on a fait vne Eglise dediee à nostre Dame des Anges, où est à present la Chartreuse de Rome. Il y auoit lors à Rome vn homme riche & puisant, nommé Trason, qui ayant compassion des Chrestiens, les secouroit secrettement, & leur enuoyoit tout ce dont ils auoient besoin par Sisime, Cyriaque, Smaragde, & Largue, qui